


# TINDLELA TIMBIRHI



## KU HLAWULA NDLELA.

Loko hi sungula riendzo ro ya laha hi nga siki yaka kona, ha vutisa ndlela leyi hi faneleke ku famba ha yona. Loko se hi famba, hi famba ni mahlo ya hina ma pfulekile swinene, na swona loko hi vona leswaku hi le ndeleni leyi nga riki yona, ho tlhela hi langutisa ku kuma ndlela leyi nga yona.

Siku rinwana ni rinwana mina na wena ha karhi ha famba exikarhi ka misava leyi, hi ya exivandleni xa mikarhi leyi nga riki na ku hela, ne ndzhawini leyi nga riki na makumu, leyi nga taka yi nga hundzuluxiwi ni loko se hi fikile kona. U tiva laha u yaka kona xana?

## BUKU LEYI HI KOMBACA NDLELA.

Kutani hikwalaho ka rirhandzu ni tintswalo ta xona, Xikwembu xi hi nyikile Buku ya ku hi fambisa, yi nga Biblele, leyi hi kombaka e rivaleni, ndlela ya ku ya tilweni. Marito lama nga ngenisiwa la papileni leri, ma humesiwile eBukwini leyi. “Rito ra wena i rivoningo emilengeni ya mina, ni ku vonakala endleleni ya mina” (Psalma 119:105).

## NDLELA LEYO ANAMA.

Ku ni vanhu lavo tala eka ndlela leyi, “Hikuva nyangwa ya ku lova yi ahlamile, ni

ndlela leyi yaka kona yi anamile, kutani lava nghenaka kona va tele” (Mat. 7:13).

Lavo tala eka vona va pfalekile mahlo. A va tivi, kumbe a va na mhaka ni loko va ri endleleni leyi yaka eku loveni. “Ndlela yi kona leyi vonekaka eka munhu ingi yi lulamile, kasi makumu ya yona ma yisa eku feni” (Swivuriso 14:12). “Xikwembu xa misava leyi xi dlayile mahlo ya ku anakanya ka vona, vona lava nga pfumeriki” (2 Kor. 4:4).

### MIRHWALO.

Vanhu lava fambaka endleleni leyi va tikeriwa hi vudyoho. “Hikuva **hinkwavo va dyohile**, kutani a va faneriwi hi ku kwetsima ka Xikwembu” (rom. 3:23). Hi nga ka hi nga fihli ni xinwe xidyoho emahlweni ka Xikwembu. “Vanhu va languta nghohe, kambe Yehova o languta mbiu” (1 Samuel 16:7).

**Mirhwalo yi boheleriwile hi tinketani eminhlaneni ya vona.** Wena na mina a hi swi koti ku susa ni xinwe xidyoho hi matimba ya hina. Kutani ndzhwalo lowu wo engeteleka ku tika loko nkarhi wu ri karhi wu ya mahlweni, kutani “hakelo ya vudyoho i rifu” (Rom. 6:23).

### NDZILO.

Kutani leswi Xikwembu xi nga lexo kwetsima ni xo lulama, ku fanekele ku va kona ku xanisiwa hikwalaho ka vudyoho. Rito ra Xikwembu ra hi byela leswaku ku ni tihele, ndzhawu ya ku xaniseka leyi lunghiseriweke lava nga yingisiki Xikwembu. Bible ye ri, “Lavo homboloka va ta tlachelela exivandleni xa vafi, ni matiko hinkwavo lama rivalaka Xikwembu” (Psalma 9:17). Kona a ku yi lavo biha ntsena – kambe ni lava nga yingisiki Xikwembu va ya kona.

Kambe Xikwembu, xa ha ri xona Xikwembu xa rirhandzu, “a xi rhandzi leswaku ku lova ni unwe, kambe xi rhandza leswaku hinkwavo va ta eku hundzukeni” (2 Petro 3:9). Kutani hikwalaho ka tintswalo letikulu ni rirhandzu ra xona, xi yimisile **ndlela yo baleka ha yona eka hinkwavo lava yi lavaka. Xana u lava ku kuma ndlela ya vutomi?**

### NDLELA YA VUTOMI: MUPONISI.

Kutani hikwalaho ka leswi hi nga swi kotiki ku tikutsula eswidyoehweni, ne ku xanisiwani hikwalaho ka swidyoho swa hina, **Xikwembu xi vekili Muponisi.** “Hikuva Xikwembu xi rhandzile misava swonghasi, xi ko xi nyika Nwana wa xona la nga tswariwa a le swakwe, leswaku unwana ni unwana la pfumelaka ka yena, a nga tshuki a lova, kambe a va ni vutomi lebyi nga heriki” (Yohane 3:16). Xikwembu, Tatana wa le matilweni, xi rhumile Nwana wa xona la nga swakwe, Hosi Yesu Kriste, a xika hi le henhla, a ta misaveni leyi; o hanyile kukotisa munhu, kambe a nga dyohanga. O fambile hinkwako, a ri karhi a endla leswo lulama: a hanyisa vavabyi, a basisa vanhlokonho, a hlongola mademona, a rivalela vadyohi lava hundzuka, ni ku dyondzisa vanhu ta Xikwembu.

Kambe kungu ra yena lerikulu kukondza a hundzuka munhu, a ri ri leswaku a ta fa, eku va mhamba ya hina hinkwerhu; a nyiketa vutomi bya yena lebyi nga riki na xidyoho, a halata ngati ya yena leyo hlawuleka, leswaku ha yona a kota ku riha nandzu wa swidyoho swa hina. O tshikile lavo biha va nwi teka, va nwi ba, kukondza nhlana wa yena wu nga ha vonaki hi timbanga leti teleke hi ngati, va nwi tlhandleka hari ya mitwa enhlokweni, kutani endzhaku ka leswo va nwi gongondzela mavoko ni milenge exihambanweni hi swipikiri, a hayekiwa kona a ri karhi a

twa ku vava. “Hi yena la rhwaleke swidyoho swa hina emmirini wa yena exihambanweni” (1 Petro 2:24). O ferile wena na mina.

### KU PFUKA KA YENA.

Kutani endzaku ka masiku manharhu a ri sirheni, Yesu Kriste o pfukile exikarhi ka vafi. O famba-fambile ni ku vulavula ni vadyondzisiwa wa yena, kutani endzaku ka mune wa makume ya masiku, a thlandlukela tilweni, laha a tshameke evokweni ra xinene ra Xikwembu, – Muponisi la hanyaka, la “nyikiweke matimba hinkwawo ... etilweni ne misaveni” (Mat. 28:18). “Hikwalaho, na swona, a swi kota ku ponisa, hi ku hetisisa lava tshinelelaka Xikwembu ha yena, hikuva o karhi wa hanya hi masiku ku va khongelela” (Heb. 7:25).

### TILO.

Tilo, i laha Xikwembu xi tshamaka evukwetsimelweni hinkwabyo bya xona. Hosi Yesu aku: “Ndzi ya mi lunghisela kona. Kutaku loko ndzi yile ni loko ndzi mi lunghiserile vutshamo, ndzi ta tlhela ndzi vuyaya, ndzi mi teka mi va ka muna, leswaku laha ndzi nga kona, mi va kona na nwina” (Yohane 14:2, 3).

Kona, i xivandla lexi hlamarisaka, laha Xikwembu xi nga ta hlangula mihloti hinkwayo emahlweni ya vona; kutani rifu a ri nga ha vi kona, a ku nga ha vi na nkosi, hambi ku ri ku kolola, kumbe ku vaviseka: hikuva leswo sungula swi hundzile ... “kutani vusiku a byi nga ha vi kona ... hikuva Hosi Xikwembu xi ta va voningela” (Hlav. 21:4; 22:5).

I xivandla lexo kwetsima. “A ku na xilo xa thyaka lexi nga ta nghena kona, hambi la endlaka manyala ni mavunwa: kambe ku ta nghena ntsena lava tsariweke Bukwini ya Vutomi ya Xinyimpfana” (Hlav. 21:27).

Kambe ku ni ndlela yinwe leyi yaka tilweni. Hosi Yesu a ku: “**Hi mina ndlela, ni vutomi: A ku na munhu la nga taka ka Tatana, loko ku nga ri ha mina**” (Yohane 14:6) “**Kutani a ku na ku hlaysika kunwana, hikuva a ku na vito rimbe ehansi ka matilo, leri nyikiweke xikarhi ka vanhu, leri hi fanelaka ku hanyisiwa ha rona**” (Mitrho 4:12).

### XANA HI NGA NGHENISA KU YINI ENDLELENI LEYI YAKA TILWENI?

1. “**Hundzukani mi pfumela Evangeli**” Marika 1:15). Ku hundzaka hi loko hi tshika vudyoho, hi ya ka Xikwembu hi mbilu ya hina hinkwayo.
2. **Tana eka Hosi Yesu**, hi ku khongela, swa ngi hi leswi u nga xiswona ni ndzhwalo wa wena wa swidyoho, u nwi kombela leswaku a ku rivalela. Yena o ri, “La taka ka mina ndzi nga ka ndzi nga nwi cukumeteli handle!” (Yohane 6:37). “Tanani ka mina nwina hinkwenu lava karhaleke, ni lava tikeriwaka, ndzi ta mi wisisa” (Mateo 11:28).
3. **Tshemba Kriste ntsena, la ku nyikaka ku hlaviseka**. “Ngati va Yesu Kriste Nwana wa xona, ya hi hlantswa, yi susa swidyoho hinkwaswo swa hina” (1 Yohane 1:7).
4. **O ta ku nyika vutomi lebyintswaha ... vutomi lebyi nga heriki**. Yesu a ku: “La yingisaka rito ra mina, a va a pfumela ka la ndzi rhumeke, o ni vutomi lebyi nga heriki, kutani a nga yi ku avanyisiweni, kambe o sukile ku feni ku nghena vutomini” (Yohane 5:24). “Hikwalaho, loko munhu o le ka Kriste, i xivumbiwa lexintswaha: swa khale swi herile; hinkwaswo swi sasekisiwile” (2 Kor. 5:17).
5. U ta va ni ku rhula ni xitshembišo. “Kutani leswi hi nga hlaiyiwa lava lula-

meke hi ku pfumela, hi ni ku rhula eka Xikwembu ha Yesu Kriste, Hosi ya hina” (Rom. 5:1). “Kutani vumboni byebyo, hi lebyi nga: Xikwembu xi hi nyikile vutomi lebyi nga heriki, kutani vutomi byebyo byi le ka Nwana wa xona. La nga ni Nwana o ni vutomi; la nga riki na Nwana wa Xikwembu, a nga na vutomi. Ndzi mi tsalerile timhaka teto, nwina lava pfumelaka eka vito ra Nwana wa Xikwembu, mi ta TIVA leswaku mi ni vutomi lebyi nga heriki” (1 Yohane 5:11-13).

### **MUKHUYA WA KU HANYA EVUTOMINI LEBYINTSWHA.**

1. **Hlaya Bibe**le masiku hinkwawo. Hambi leswi yi nga rivoningo endleleni ya hina, kambe i swakudya swa moya. “Kutani mi lava ngopfu, kukota vana lava ha ku tsariwaka, entswamba lowunene wa Rito, leswaku mi kula ha wona eku hlayisekeni” (1 Petro 2:2). Kombela Xikwembu ku ku fambisa ni ku ku dyondzisa hi Moya lowo Kwetsima wa xona, loko u ri karhi u hlaya.
2. **Tshinelela eka Xikwembu hi ku khongela siku rinwana ni rinwana**, u ri karhi u khongela hi vito ra Yesu. “Mi nga tshuki mi kanakana ha nchumu, kambe etimhakeni hinkwato tivisani ku pfumala ka nwina eka Xikwembu hi ku khongela. Kutani ku rhula ka Xikwembu loku tlurisaka ku twisisa hinkwako, ku ta hlayisa timbilu ta nwina, ni mehleketi ya nwina eka Yesu Kriste” (Filp. 4:6, 7).
3. **Hlayela vanwana ta Kriste**. “Famba eka rikweni ni ka vama kwenu, u ya va tivisa hinkwaswo leswi Hosi yi ku endleleke” (Marika 5:19).
4. **Loko u ri emiringweni, huwelela eka Hosi**. “Hikuva leswi a tweke ku vaviseka ni ku ringiwa, wa swi kota ku pfuna lava ringiwaka” (Heb. 2:18).
5. **Loko u tshuka u wela exidyohweni hambu xihhi ni xihhi, xi vule hi ku hatlisa emahlweni ka Xikwembu**. “Loko hi tivula swidyoho swa hina, Xikwembu xa tshembeka, xi lulamile, ku hi rivalela swidyoho, ni ku hi hlantswa ku homboloka hinkwako” (1 Yohane 1:9).
6. **Ringeta ku tihlanganisa ni vafpumeri vanwana eka Hosi Yesu Kriste**. “Nawu wa mina hi leswaku mi rhandzana kukotisa leswi ndzi mi rhandzeke” (Yohane 15:12).
7. **Yingisa Xikwembu mikarhi hinkway**. “Kungaku loko munhu a ndzi rhandza, o ta hlayisa marito ya mina” (Yohane 14:23).
8. **U nga tshuki u chava hikuva Kriste o na wena**. Hikuva o vurile a ku: “Ndzi nga ka ndzi nga ku tshiki, ndzi nga ka ndzi nga ku lahli” (Heb. 13:5).
9. **Tinyikete hi ku hetiseka eka Hosi Yesu Kriste**. Nwi pfumelele a ku fambisa evutonwini bya wena, leswaku byi va tani hi laha a rhandzaka ha kona. Kutani hi mukhuya wolowo, u ta tikumela ku tsaka lokunene.

**Hosi Yesu Kriste he yena MUPONISI NTSENA, na swona i Muponisi la HETI-SEKEKE. HINKWASWO leswi u swi pfumalaka swi ka yena!**

---

For **free** Gospel literature, books and tracts in over 540 languages, write to:

**E-MAIL: [info@angp.co.za](mailto:info@angp.co.za)**

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)